

«ՆՈՐ ՈՂԻ» ՊԱՐԲԵՐԱԳԻՐՔԸ

(1945—1947)

Մ. Ա. ԲԱԲԼՈՅԱՆ

«Նոր ուղի» պարբերագիրքը սկսեց լույս տեսնել 1945 թ. սկզբներին, Բեյրութում, մի խումբ Լրիտասարդների ջանքերով:

Երկրորդ համաշխարհային պատերազմն այդ օրերին դեռ շարունակվում էր, բայց նրա ելքը արդեն պարզ էր: Ֆաշիզմը նահանջում էր, մեկը մյուսի Լատից ազատագրվում էին Եվրոպայի և աշխարհի այլ մասերի օկուպացված երկրների ժողովուրդները: Ռազմական այն զործողությունները, որ տարվում էին հիտլերյան զորքերի դեմ Գերմանիայում, Սովետական Միության վճռական մասնակցությամբ, օրեցօր մոտեցնում էին երազած հաղթանակը:

Ժողովուրդների գիտակցության մեջ այդ հաղթանակը նվաճվել էր ավելի վաղ և դեմոկրատական ուժերի շտեմնված վերելք էր առաջ բերել ամբողջ աշխարհում: Դեմոկրատական ուժերի վերելք էր ապրում և Արարական Արևելքը:

Միրիան և Լիրանանը մինչև այդ արդեն ձեռք էին բերել իրենց անկախությունը: Բայց այդ անկախությունը լիակատար չէր, քանի որ նրանց հողում դեռ օտար զորքեր էին գտնվում: Նրանք ամբողջ ուժով պայքարում էին, որպեսզի օտար զորամասերը դուրս բերվեն իրենց տերիտորիայից: Այդ ճանապարհով միայն արարները կարող էին տնօրինել իրենց բախտը սեփական երկրում:

Արար ժողովուրդների ազգային-ազատագրական պայքարը մոտ ու հարազատ էր նաև հայ աշխատավորներին, որոնք 1915 թ. կոտորածներից ու տեղահանումներից հետո մեծ զանգվածներով սպրում էին այդ երկրներում ու վայելում արարների համակրանքը: Հայ աշխատավորները լավ էին գիտակցում, որ արարների ազատագրությունը, նրանց ձեռք բերած սուվերեն իրավունքները և դեմոկրատական նվաճումները կենսական նշանակություն ունեն նաև իրենց համար: Այստեղից էլ այն բարեկամությունը, որ ստեղծվել էր հայ և արար ժողովուրդների միջև, այն համատեղ պայքարը, որ արար ժողովրդի հետ միասին մղում էին հայ առաջադեմ խավերը օտարերկրյա իմպերիալիստների ոտնձգությունների դեմ:

Ազատագրական վերընթաց շարժումը, երկրորդ աշխարհամարտում դեմոկրատական ուժերի հաղթանակի պայմաններում, բարենպաստ հող էր ստեղծել դեմոկրատական մտքի ծավալման հաճար նաև լիրանանահայ զաղութում: «Նոր ուղի» պարբերագրքի հանդես գալը դրա արտահայտություններից մեկն էր:

«Նոր ուղի»-ն առաջին և միակ դրական-առաջադիմական պարբերականը չէր, իհարկե, Արարական Արևելքում: Այդ շրջանում և դրանից առաջ հրատարակվել էին և շարունակում էին լույս տեսնել «Ժողովուրդի ձայն» հասարակական-գրական ամսաթերթը Բեյրութում (1943), «Գեպի Երկիր» պարբերագիրքը Հալեպում (1945—1946), «Աշխատանք» գրական երկամսյան կահիրեում (1944—1946) և այլ պարբերականներ:

Դրական-հասարակական Լրիտասարդ զործիչների այն շրջանակը, որ հիմնադրեց «Նոր ուղի»-ն, առաջադեմ և կայուն հայացքների տեր էր և մեծ հավատ ուներ վերածնված Հայաստանում իր հայրենիքը կառուցող հայ ժողովրդի ապագայի նկատմամբ: Ծիշտ է, «Նոր ուղի»-ն երկար կյանք չունեցավ և շատ բան չկարողացավ անել լիրանանահայ դրական-հասարակական կյանքում, բայց իր առաջադիմական, կայուն դիմադիրը, ու, մանավանդ, իր անվերապահ սերը սովետական հայրենիքի հանդեպ պահպանեց մինչև վերջ:

Խոսելով իր առջև դրված խնդիրների մասին, պարբերագիրքը իր առաջին համարի «Մեր առաջադրանքը» խմբագրական հոդվածում գրում է.

«Նոր ուղի»-ն մարդկության ապագա երջանկության հավատացող հայկական հրատարակություն մըն է, որ իր կարելի բաժինը բերելու պիտի ձգտի այդ նպատակին»:

Խմբագրականը նշում է, որ «Նոր ուղի»-ն, խորին հարգանք տալով հայ մշակույթի և գրականության անցյալի հանդեպ, կծուորի նպաստել նրանց ներկա և ապագա նվաճումներին, միաժամանակ կծանոթացնի իր ընթերցողներին ինչպես արարական հարուստ գրականությանը,

այնպես էլ հաղորդակից կղարձնի ժամանակակից դրական ու սոցիալ-հասարակական նոր գրքերին և ուսումնասիրություններին:

Այս առաջադրանքներով հրապարակ իջավ «Նոր ուղի»-ն: Նրա շուրջը համախմբված երիտասարդները համակված էին իրենց խոսքն ասելու և իրենց գաղափարները հասարակայնությանը հասցնելու մեծ ցանկությամբ: Ու թեև այդ խոսքը երբեմն չէր հասնում արվեստի անհրաժեշտ բարձրության ու վարպետության, երբեմն էլ պարզունակ էր ու շատ անզամ՝ հապճեպ, որ թելադրվում էր այդ օրերի իրադարձությունների բուռն ընթացքով, սակայն միշտ անկեղծ էր՝ տոգորված աշխատավոր մարդկության ու հայրենիքի՝ Սովետական Հայաստանի հանդեպ խանդավառ սիրով և անձնականը հասարակականին զոհելու երիտասարդական ոռոմանտիկությամբ:

Առաջին տարին, 1945 թ., «Նոր ուղի»-ն լույս տեսավ պրակներով, ընդամենը չորս գրքույկ (Ա—Դ, 50—56 փոքրածավալ էջերի սահմաններում): Հաջորդ՝ 1946 թ. «Նոր ուղի»-ի հրատարակությունը ավելի կանոնավորվեց, լույս տեսավ վեց գիրք (երկամսյա), ավելի մեծ չափսով: 1947-ին լույս ընծայվեց պարբերականի մեկ համար միայն: Եվ դա եղավ վերջինը:

1946—1947 թթ. «Նոր ուղի»-ի գործուն աշխատակիցների մեծ մասը ներգաղթեց Հայաստան: Այդպիսով, պարբերագիրքն ունեցավ մոտ երկուսուկես տարվա կյանք, լույս ընծայվեց բնութամեն տասնմեկ համար:

«Նոր ուղի»-ի առաջին երկու համարները խմբագրել է Գրիգոր Քեչիշյանը: Այնուհետև պարբերագրի խմբագրական կազմի մեջ, բացի նրանից, տարբեր ժամանակներում մտել են Գրիգոր Լյուվանը (Բերմեղճյան), Հարություն Գայայանը, Հրաչյա Պուճիգանյանը, Վարսենիկ Պոյաճյանը (Շաքե Վարսյան) և Փանոս Զագրյանը: Հրատարակվել է «Նոր ուղի»-ն 1000—1200 օրինակ տպաքանակով, որ փոքր թիվ չէ սփյուռքի պայմաններում: Պարբերագիրքը հիմնականում տարածվել է Լիբանանում ու Սիրիայում և մասամբ Կիպրոսում: Փոքրաթիվ քանակով «Նոր ուղի»-ն ուղարկվել է հայրենիք և սփյուռքի տարբեր գաղութները:

«Նոր ուղի»-ն առավելապես գրական պարբերագիրք է: Նրա համարները բովանդակում են մեծ մասամբ գեղարվեստական գործեր՝ պատմվածքներ, ակնարկներ, բանաստեղծություններ: Քաղաքական-հասարակական բովանդակություն ունեցող նյութերի թիվը այնտեղ մեծ չէ, բայց դրանք հետաքրքիր են ու բնորոշ նախ՝ պարբերագրի պաշտպանած քաղաքական-գաղափարական հայացքների և երկրորդ՝ օրվա հրատապ խնդիրներին անմիջապես արձագանքելու տեսակետից:

«Նոր ուղի»-ն հիմնադրման օրից անդրադարձել է արար ժողովրդի ազգային-ազատագրական պայքարին: Այս հարցին պարբերագիրքը նվիրել է երկու հոդված, որոնց մեջ նախ շեշտվում է դեմոկրատական ուժերի վերելքն ամբողջ աշխարհում՝ ֆաշիստական Գերմանայի ու նրա զինակիցների ջախջախումից հետո: «Պատերազմն է ետք,—ասված է այնտեղ,—աշխարհի բոլոր անկյուններում մեջ, մանավանդ գաղութային և կիսագաղութային երկիրներում մեջ, ժողովուրդները, իրարմե քիչ մը ավելի սուր կամ մեղմ ձևով, հրապարակ դրին նոր ձևով կառավարվելու օտարի իշխանությունը՝ ազգային իշխանությունով փոխարինելու, այլ խոսքով, ազատ, անկախ և ինքնիշխան ապրելու հարցը»¹:

Անցնելով արարական հարցին, պարբերագիրքը նշում է, որ ազգային վերելք են ապրում և արարական ժողովուրդները, որոնք երկար ու համառ պայքար են մղել իրենց ազատագրության համար և այդ օրերին (1945—1946 թթ.), մասնավորապես Սիրիայում և Լիբանանում, առաջ էին քաշում լիովին սուվերեն լինելու իրենց իրավունքը²:

Սակայն արարական ազատագրական շարժումն ունեի իր թշնամիները՝ ներքին և արտաքին: Պարբերագիրքը անդրադառնում է այն վտանգին, որ գալիս էր արտաքին թշնամիներից՝ արևմտյան պետություններից և հատկապես անգլիական իմպերիալիզմից: Արևմտյան իմպերիալիզմը, ինչ խոսք, չէր կարող վերականգնել նախկին վիճակը, այսինքն իր լիակատար տիրապետությունը Արարական Արևելքում, բայց նա ամեն միջոց գործադրում էր իր զինվորական և քաղաքական տիրապետությանը օրինական ձև տալու համար, աշխատում էր խափանել ազգային-ա-

¹ «Նոր ուղի», հատ. 11, էջ 9:

² Սիրիան և Լիբանանը անկախ պետություններ էին հայտարարվել դեռևս 1941-ին, սակայն իշխանությունը փաստորեն գտնվում էր անգլո-ֆրանսիական օկուպացիոն ուժերի ձեռքին: 1943-ին արարական այդ երկրները վերջնականապես ազատագրվեցին մանդատային ռեժիմից և ստեղծեցին իրենց ազգային կառավարությունները, բայց օտարերկրյա զորքերը դեռ մնում էին այնտեղ:

զատագրության և անկախության շարժումները, մանավանդ ժողովրդական լայն զանգվածների մասնակցությունը այդ շարժումներին:

Պարբերագիրքը նշում է նաև արար ժողովուրդների ազգային-ազատագրական պայքարին Սովետական Միության ցույց տված օգնությունը, հիշատակելով վճռական այն պաշտպանությունները, որ հանդես բերեց սովետական կողմը Անվտանգության խորհրդում ի նպաստ Սիրիայից և Լիբանանից օտար զորքերի դուրս բերման:

Սովետական Միության փայլուն հաղթանակը Հայրենական մեծ պատերազմում, հայ ժողովրդի անվնաս զավակների ցուցաբերած քաջազործությունները այդ վերջինների գոտեմարտում և ապա հետպատերազմյան զանգվածային հայրենազործը շատ մեծ ազդեցություն ունեցան ամբողջ սփյուռքահայության վրա: Արտասահմանում ապրող հայ աշխատավորները և առաջադեմ մտավորականությունը ավելի սերտորեն կապվեցին հայրենիքի՝ Սովետական Հայաստանի հետ:

Արձագանքելով սփյուռքահայության շրջանում հայ ժողովրդի անցյալի և Սովետական Հայաստանի հանդեպ եղած մեծ հետաքրքրությունը, «Նոր ուղի»-ն տպագրում է մի շարք հոդվածներ ու անկարկներ այդ թեմաներով: Ուշադրավ են այդ տեսակետից «Հայկական բարձրագույն դպրոցի հանդույն ժողովուրդներու ազատագրական պայքարը օտար ներխուժողներու դեմ», «Հայ ժողովուրդին ազգային կազմավորումը», «Հայ ժողովուրդի դարավոր պայքարը զոյություն և անկախության համար» անկարկները, որոնց մեջ հանրամատչելի և շատ բնահանուր ձևով ուրվագծված է հայ ժողովրդի դարավոր պատմությունը: Պարբերագիրքը շի հետևում հայ ժողովրդի հեռավոր անցյալի ավանդական առասպելախառն պատմվածքին, այլ նյութը մատուցում է հենվելով սովետահայ պատմագիտական ուսումնասիրությունների վրա: Մի քանի խոսքով անդրադառնալով Հայաստանի նորագույն պատմությանը, պարբերագիրքը նշում է, որ հայ ժողովրդի ազգային անկախությունը ձեռք բերվեց միայն ուսս ժողովրդի և Հոկտեմբերյան հեղափոխության շնորհիվ:

Հետպատերազմյան՝ 1946 թ. խոշորագույն իրադարձությունը սփյուռքահայության կյանքում զանգվածային ներգաղթն էր, որի վերաբերյալ եղած որոշումը հրապարակվել էր դեռևս նախորդ տարվա նոյեմբերին: «Նոր ուղի»-ն բաղմամբով նյութեր է տպագրել ներգաղթի մասին, նվիրելով այդ թեմային նաև հատուկ համար: Հիշյալ համարի «Ներգաղթ» խմբագրական հոդվածում պարբերագիրքը, խոսելով անցյալում հայ ժողովրդի անհավասար պայքարի ու հարկադրյալ արտագաղթի մասին, շեշտում է պատմական այն բացառիկ նշանակությունը, որ ուներ ներգաղթը հետպատերազմյան այդ օրերին: Այդ նույն համարում պարբերագիրքը տպագրել է Սովետական Հայաստանի պետական զործիչների, մտավորականների ու աշխատավորների, այդ թվում՝ Ավ. Իսահակյանի, Գ. Գեմիճյանի, Հր. Աճառյանի, Մ. Սարյանի, Ա. Խաչատրյանի և ուրիշների ասույթները ներգաղթի ու նրա նշանակության մասին:

1946 թ. սկսված հայրենազործությունը, ինչպես հայտնի է, մեծ արձագանք գտավ նաև միջազգային մասշտաբով: Այդ մասին արտահայտվեցին տարբեր երկրների մամուլի օրգանները, զանազան կազմակերպություններ, պետական և հասարակական զործիչներ, բնագծելով նրա մեծ նշանակությունը հայ ժողովրդի համար: «Սովետ Միության ժողին մեջ,— գրում է աշխարհահռչակ դիտնական Ֆրեդերիկ Ժոլիո-Կյուրին,— Հայաստան ցույց տվավ մեծ հառաչողություն մը տնտեսական և մշակութային մարզերու մեջ: Սրտանց կմաղթեմ որ 1914—1918-ի դեպքերեն հետք, ամբողջ աշխարհի մեջ ցրված հայերը, իրենց ներկա հայրենիքին մեջ գտնեն վերածնության կեղծուն մը և հոն ապրելու կարելիությունը, զարգացնելու համար իրենց նախահայրերուն երիցս հազարամյա ստեղծագործության արժանի քաղաքակրթություն մը»³:

Հայերի և ներգաղթի մասին մեծ ջերմությամբ է խոսել Լիբանանի Կոմունիստական կուսակցության ղեկավար Ֆարաժալլա Հրլուն. «Հայ ժողովուրդը, որ նպաստեց Լիբանանի պայքարին,— ասել է նա,— շահեցավ ուրիշ ճակատամարտ մը, կարևոր ու մեծ ճակատամարտ մը բնագծմ հետադիմության և խավարի ուժերուն: ...Մենք, որ Սովետ Հայաստանի բնագծեցն կտեսնենք Լիբանանի ապագան, կ'ըմբռնենք ձեր արդար և բնական կարոտը վերադառնալու Հայաստան և կհրճվինք ձեր այս բախտավորության համար»⁴: «Նոր ուղի»-ն բերում է քաղվածքներ նաև Գևորգի Դիմիտրովից, անգլիական պառլամենտի անդամ Սիլվերմենից և ուրիշներից:

Վերջում «Նոր ուղի»-ն ժամանակագրական կարգով տվել է տեղեկություններ ներգաղթի վերաբերյալ որոշումների և ներգաղթի բնթացքի մասին, որոնք յուրովի հետաքրքրական են և օգտակար կլինեն հայերի հայրենազործության ապագա ուսումնասիրողներին:

³ «Նոր ուղի», հատ. 9, էջ 189:

⁴ Նույն տեղում, էջ 191:

«Նոր ուղի»-ում տպագրված գեղարվեստական համարյա բոլոր նյութերը, արձակ և շափածո, սողորված են հայրենասիրությամբ, նվիրված են հայ ժողովրդին, նրա սովետական հայրենիքին և սփյուռքում ապրող հատվածի կյանքին, մասնավորապես հայրենադարձության կարևոր երևույթին, որ այդ շրջանում համակել էր ամբողջ գաղութահայությանը, սկսած Մերձավոր Արևելքից մինչև գույգ Ամերիկաները:

Պարբերագիրքը խմբագրող և նրա շուրջը համախմբված գրողները, գրասերները և հասարակական կյանքով ապրող երիտասարդները այդ նյութերի մեջ մի գլխավոր նպատակ են հետապնդում՝ Լիբանանում, Սիրիայում և հարևան երկրներում ապրող հայերի մեջ վառ պահել հայրենասիրության գաղափարը, լայնորեն ծանոթացնել նրանց Սովետական Հայաստանի տնտեսական և մշակութային վերելքին, զրականությանը, արվեստին, սատարել հայրենադարձի մեծ գործին: Այդ բոլորն արտահայտվում է ինչպես պարբերագրքում լույս տեսած բանաստեղծություններում, այնպես էլ պատմվածքներում և ակնարկներում:

«Նոր ուղի»-ի գեղարվեստական նյութերի կենտրոնական թեման հայրենիքի սերն է, նրանց հատկանշական կողմը կենսահաստատ ոգին է, անխախտ հավատը պայծառ գալիքի հանդեպ: Վհատության, լքվածության, հուսարեկ տվայտանքի տրամադրությունները իսպառ բացակայում են պարբերագրքի էջերից:

Մեծ ոգևորությամբ է ընկալում «Նոր ուղի»-ն հայ ժողովրդի եռանդուն մասնակցությունը ֆաշիստական Գերմանիայի դեմ մղվող ահեղ զոտեմարտին: Շատ էջեր են նվիրված մասնավորապես հայկական Քամանյան դիվիզիային:

Գերմանական ֆաշիզմի խժոժությունները Եվրոպայում և Սովետական Միության ժամանակավորապես գրավված տերիտորիայում ատելության ալիք էին բարձրացրել արտասահմանի հայ առաջադեմ զանգվածների մեջ: Այդ «քաղաքակիրթ» բարբարոսությունը ահազանդում էր ոչ միայն ժողովուրդներին սպառնացող նոր վտանգի մասին, այլև թարմացնում սփյուռքահայության մեջ 1915 թ. ապրիլյան եղեռնի մահասարսուռ հուշերը: Շատ էին նմանություններն ու ընդհանրությունները: Եվ զարմանալի չէ, որ պարբերագիրքը բանաստեղծություններ ու արձակ էջեր է նվիրում հայ ժողովրդի մասնակցությանը Հայրենական մեծ պատերազմին:

Պարբերագրքի գեղարվեստական նյութերի մի խոշոր մասը նվիրված է հայրենադարձությանը, մի երևույթ, որի նշանակությունը դժվար էր գերազնահատել հայ ժողովրդի կյանքում: Սփյուռքահայությունը միշտ էլ կանգնած է եղել ձուլման վտանգի առաջ և իր փրկությունը որոնել է հայրենադարձության մեջ:

Այդ հարցին նվիրված նյութերում, բնականաբար, արծարծվում է նրա հետ սերտորեն առնչվող ձուլման խնդիրը: Կան առանձին պատմվածքներ, որոնց թեման հենց ձուլման վտանգն է: Այդ արված է ավելի ևս շարժելու համար ներդադի մեծ նշանակությունը:

Ներդադի նվիրված բանաստեղծությունները սովորաբար ներքին ապրումների, սպասումի, հայրենի երկիրը վերադառնալու երջանկության և սովետական պետության հանդեպ երախտագիտության զգացմունքների արտահայտություններ են, որոնք արտացոլում են սփյուռքահայ զանգվածների այդ օրերի հոգեվիճակը: Ու թեև տարբեր են դրանք արտահայտչական իրենց եղանակով և գեղարվեստական արժեքով, սակայն բոլորն էլ համակված են միևնույն խանդավառ տրամադրությամբ ու վեհ զգացումներով, ինչպես օրինակ, Արամ-Արմանի «Վերադարձի երգ» բանաստեղծությունը.

Աշխարհն ամբողջ՝ աչքերուս մեջ, հիմա գրկած կուզամ քեզի,
Արյունս՝ հորդ, բռունցքբու՝ պիրկ ու սիրտս՝ բաց կուզամ քեզի:
...Ընդունե՛ն զիս, երկիր իմ նոր՝ իմաստությամբ ու կաթողին,
Հոկտեմբերիդ դրոշին տակ երգես պարզած կուզամ քեզի...»

«Նոր ուղի»-ի գեղարվեստական արձակում ևս տիրապետող թեման հայրենադարձությունն է: Արվեստի տեսակետից արձակ գործերը շատ շնորհալի են տարբերվում բանաստեղծություններից, նրանց մեջ նույնպես թույլ, հապճեպ գրված պատմվածքներ շատ կան, բայց այդ վիճակում էլ նրանք վերարտադրում են ներդադի ընդհանուր, խանդավառ մթնոլորտը: Այդ պատմվածքները բավականին բազմազան են իրենց բովանդակությամբ: Նրանցում արտացոլվել են և՛ սփյուռքահայ կյանքը իր անմխիթար կողմերով՝ նյութական անապահովություն, անգործություն, անհեռանկարայնություն, ուսման դժվարություններ աճող սերնդի համար, և՛ հայրենիքի կարոտ ու

5 Նույն տեղում, էջ 218:

հայրենադարձության պատկերներ՝ սպասում, նախապատրաստություններ, մեկնում՝ մարդկային տարրեր բնավորությունների, ապրումների, հույզերի ինքնատիպ արտահայտություններով, և սեր ու առօրյա կոնֆլիկտներ, որոնք հյուսվում են ներդաշնակ ու ստեղծում կենսական հետաքրքիր իրադրություններ, և՛, վերջապես, հայրենասիրության գաղափարը, օտարությունից հայրենիք՝ Սովետական Հայաստան վերադառնալու հոգեկան բերկրանքը:

«Նոր ուղի»-ն իր էջերը տրամադրել է նաև սովետահայ գրողներին: Սովետահայ մոտ քսան հեղինակ է ներկայացված պարբերագրում՝ Ավ. Իսահակյան, Գ. Սարյան, Հր. Քոչար, Ս. Կապուտիկյան, Ն. Ջարյան, Հ. Շիրազ, Գ. Բորյան, Գ. Էմին, Սարմեն, Ս. Տարոնցի, Աղավնի և ուրիշներ. բոլորում դա արված է ոչ այնքան այդ հեղինակներին սփյուռքի ընթերցող հասարակայնությանը ծանոթացնելու և նրանց ժողովրդականացնելու նպատակով, այլ, առաջին հերթին, պարբերագրի պաշտպանած գաղափարների պրոպագանդման և ամրապնդման համար: Այդ մասին է խոսում ամենից առաջ բնութագրված նյութերի թեմատիկ բովանդակությունը: Դրանք մեծ մասամբ հայրենասիրական և հայրենադարձին նվիրված բանաստեղծություններ են, որոնք արձագանքում են օրվա հրատապ հարցերին:

«Նոր ուղի»-ն իր էջերում տեղ է տվել և այլ ժողովուրդների գրական-գեղարվեստական ստեղծագործություններին: Սակայն տպագրված նյութերը ցույց են տալիս, որ պարբերագիրքը այդ հարցում ծրագրված նպատակ չի հետապնդել, այլ ավելի շատ արձագանքել է օրվա գրական-հասարակական իրադարձություններին:

Հայն տեղ է տրված «Նոր ուղի»-ում ոուսական գրականությանը: Ռուս գրականության վերաբերյալ անդրանիկ հողվածը պարբերագիրքը տպագրել է իր առաջին իսկ համարում: Այն մի համառոտ ակնարկ է՝ նվիրված Ալեքսեյ Տոլստոյի կյանքին ու գրական ստեղծագործությանը: «Նոր ուղի»-ն բարձր է դասում հեղինակի «Տառապանքների ուղիով», «Իվան Ահեղ» և «Պետրոս Մեծ» վեպերը, որոնք «...իրեն նպաստեցին միջազգային համբավ և փառք»: Տալով «Պետրոս Մեծ»-ի գնահատականը, պարբերագիրքը վկայակոչում է Մ. Գորկուն, որն այն համարում է սովետական ռուս գրականության իսկապես առաջին պատմական վեպը, որ կոչված է երկար ժամանակ որպես տիպար մնալու:

«Նոր ուղի»-ն իր 1946-ի № 3 (7)-ի կեսը նվիրել է Մ. Գորկուն՝ նրա մահվան տասերորդ տարեդարձի առթիվ:

Խոսելով մեծ գրողի ստեղծագործության համաշխարհային նշանակության մասին, պարբերագիրքը իր խմբագրական հողվածում բնորոշում է առաջին հերթին Գորկու արվեստի հասարակակառուցումը, նրա անգիջում պայքարի ոգին: «Իրեն համար արվեստը»,— գրում է պարբերագիրքը,— կյանքին զործոն կերպով միջամտելու միջոց մըն էր, կյանքը փոխելու միջոց: Ան կգրեր, որովհետև չէր կարող լուրջությամբ պահանջել այն բաներու մասին, զորս կտեսներ, չէր կարող չզործածել իր ձեռքերուն մեջ դրված և ահեղի ուժ պարունակող այդ գեները գրիչը»:

Մի քանի համար հետո պարբերագիրքը նորից է անդրադառնում Մ. Գորկուն, տպագրելով մի շատված երիտասարդ բանվորներին ուղղված նրա նամակից:

Գրաքննադատական նյութերը «Նոր ուղի»-ում զգալի տեղ են բռնում: Խմբագրությունը իր գրական հայացքները հիմնավորող հատուկ հողվածներով հանդես չի եկել: Բր համատեմբ նա արտահայտել է այլևայլ հողվածներում, մասամբ գրախոսակ:սուններում և, թերևս ամենից ավելի, նյութերի ընտրության մեջ:

Գրական-տեսական բազմաթիվ հարցեր են շոշափվում Հայաստանի սովետական գրողների երկրորդ համագումարի նյութերում, որոնց «Նոր ուղի»-ն սիրով տեղ է տվել իր էջերում: Այդ նյութերի տպագրության փաստն ինքնին ցույց է տալիս, թե գեղարվեստական ինչ սկզբունքներ էր պաշտպանում պարբերագիրքը:

«Նոր ուղի»-ում տպագրված գրա-քննադատական նյութերը կազմված են հիմնականում հայ գրողներին կամ նրանց առանձին երկերին նվիրված հողվածներից: Գրախոսականներ, իսկական առումով, պարբերագրում չկան: Եղածը շատ համառոտ, աննոտացիոն կարգի արձագանքներ են լույս տեսած մի քանի գրքերի մասին:

Վերը հիշատակված նյութերում լայն տեղ է տրվում սովետահայ գրական կյանքին, որ վկայում է գաղութահայ շրջանների աճող հետաքրքրությունը հայրենի մշակույթի հանդեպ: Ուշագրավ է այդ տեսակետից, օրինակ, Խ. Սարգսյանի հողվածը՝ նվիրված ՀՍՍՌ գիտությունների ակադեմիայի Մ. Արեղյանի անվան գրականության ինստիտուտին, որտեղ հեղինակը մանրամասնորեն խոսում է ինստիտուտի աշխատանքների ու հեռանկարների մասին:

1945—1946 թթ. սփյուռքահայ հասարակայնությունը, և հատկապես մամուլը, սիրով արձագանքեց Սայաթ-Նովայի մահվան 150-ամյա հորելյանին, որ լայնորեն նշվեց Սովետական Հա-

յաստանում: Բազմաթիվ հողվածներ տպագրվեցին թերթերում և ամսագրերում մեծ երգչի մասին: «Նոր ուղի»-ս ես պատշաճ ձևով նշեց հայ մշակույթի այդ կարևոր տարեթիվը:

Պարբերագիրքը մի շարք հողվածներով նշել է Մ. Նալբանդյանի մահվան 80-ամյակը, Հ. Հակոբյանի ծննդյան 80-ամյակը, Դ. Դեմիրճյանի գրական գործունեության 50-ամյակը, Վ. Տերյանի մահվան 25-ամյակը, Դ. Սարյանի գրական գործունեության 25-ամյակը:

Հայն տեղ է տրված պարբերագրքում Ավ. Իսահակյանի ծննդյան 70-ամյակին: 1945 թ. նոյեմբերին Սովետական Հայաստանի բարեկամների Ընկերակցությունը Բեյրութում կազմակերպեց հանդիսավոր երեկո՝ նվիրված Ավ. Իսահակյանին: «Նոր ուղի»-ն այդ կապակցությամբ տպագրել է ընդարձակ ինֆորմացիա և հատվածներ բանախոսների ելույթներից:

Հայ գրողների և, մասնավորապես, սովետահայ հեղինակների, ստեղծագործությունները աշխատավորների շրջանում պրոպագանդելու նպատակով «Նոր ուղի»-ն կազմակերպել է մի շարք գրական երեկոներ ու դասախոսություններ: Այդպիսի դասախոսություններ են կարդացվել Ս. Կապուտիկյանի, Աղավնու և Հ. Շիրազի առանձին ժողովածուների վերաբերյալ, սակայն այդ նյութերը պարբերագիրքը չի տպագրել: «Նոր ուղի»-ում շատ ամփոփ ձևով հաղորդումներ են տրվել միայն երկու գրական երեկույթների մասին, որոնք նվիրված են եղել Ն. Զարյանին և Ստ. Զորյանի «Պապ թագավոր» պատմական վեպին:

«Նոր ուղի»-ի հետաքրքիր նյութերից է Վ. Քամրակի հողվածը՝ նվիրված Միսաք Մանուչյանի հիշատակին: Պետք է նշել, որ դա Մ. Մանուչյանի մասին Մերձավոր Արևելքի հայ մամուլում լույս տեսած առաջին նյութերից էր, որ ծանոթացնում էր ընթերցողների լայն շրջաններին ֆրանսիական դիմադրական շարժման անվեհեր մարտիկ-բանաստեղծի հերոսական կյանքին:

Խոսելով Մ. Մանուչյանի գեղագիտական հայացքների մասին, Վ. Քամրակը գրում է, թե նա ծիծաղելի էր գտնում «արվեստը արվեստի համար» սկզբունքի կողմնակիցներին, պաշտպանում էր ռեալիստական արվեստը և Վ. Հյուգոյի նման կրկնում էր. «Զվարճացնելը լավ է, դաստիարակելը ավելի լավ է. գրագետին դերը զանգվածները ուսուցանելուն և դաստիարակելուն մեջ կկայանա»:

«Նոր ուղի»-ն անլրագարծել է ֆրանսիական դիմադրության հայ հերոսներից մեկին ևս՝ Հայկ Դպիրյանին, տպագրելով իր էջերում նրա երիտասարդական տարիքի մի անտիպ հողվածը՝ «Ես ուզեցի և երիտասարդություն» խորագրով: Սփյուռքահայ մամուլը քիչ է գրել Հ. Դպիրյանի մասին: Այդ տեսակետից «Նոր ուղի»-ի նախաձեռնությունը արժանի է ուշադրության: Հողվածի առթիվ խմբագրական ծանոթագրության մեջ պարբերագիրքը գրում է. «Հայկ Դպիրյան ֆրանսական ռեզիստանսի մեր այն հերոս հրամանատարներեն է, որոնք ֆաշիզմի դեմ մղվող զինյալ պայքարին մեջ բռնի կերպով ստրկացված ժողովուրդներու ազատագրության համար ամեն ինչ, նույնիսկ իրենց կյանքը զոհեցին: Տարիներ տևող գաղտնի պայքարի մը ետք, հրամանատար Արտեն (Հայկ Դպիրյան) ձերբակալվեցավ 1944-ին ու նացիներու կողմից գնդակահարվեցավ Ֆրանսիայի Խրոնթ գյուղին մոտ»⁶:

«Նոր ուղի»-ն, ինչպես ասացինք, կարճ կյանք ունեցավ, բայց և իր համեստ ավանդը ներդրեց առաջավոր գաղափարների արմատավորման այն պրոցեսում, որ սկիզբ էր առել սփյուռքում, այդ թվում և Մերձավոր Արևելքի հայ գաղութներում դեռևս երկրորդ աշխարհամարտից առաջ, և հասունացավ ու ամրապնդվեց պատերազմում Սովետական Միության տարած փայլուն հաղթանակից հետո:

«Նոր ուղի»-ն իր ժամանակին կարողացավ արձագանքել Լիբանանի և Սիրիայի երիտասարդությանը հետաքրքրող ամենահրատապ հարցերին: Կարևորագույնը դրանցից հետպատերազմյան զանգվածային հայրենադարձությունն էր: Պարբերագիրքը բավականին աշխատանք տարավ նաև սփյուռք-հայրենիք կապերի ամրապնդման գործում, պրոպագանդեց Սովետական Հայաստանի նվաճումները տնտեսության, մշակույթի և մասնավորապես գրականության բնագավառում:

6 «Նոր ուղի», հատ. 3, էջ 133: